

女科準繩 五之三

產後門

霍亂

嘔吐

吃逆

咳嗽

喘

鼻衄

血崩

月水不調

月水不通

瀉利

赤白痢

大便

秘澀

大便不通

遺

淋瀝

小便數

小便不禁

小便赤

大便出血

陰脫玉門不閉

陰蝕

乳少

吹乳

妬乳



霍亂

大產後霍亂氣血俱傷臟腑虛損或飲食不消觸胃風冷所致陰陽不順清濁相干氣亂於腸胃之間真邪相搏冷熱不調上吐下痢故曰霍亂也經云渴而飲水者五苓散寒多不飲水者理中丸大段虛冷者加附子來復丹亦妙薛一產婦停食霍亂用藿香正氣散之類已愈後胸腹膨脹飲食稍過卽嘔吐或作瀉余謂此脾胃俱虛用六君子湯加木香治之漸愈後因飲食失調兼恚怒患霍亂胸腹大痛手足逆冷用附子散又用八味丸以補土母而康設泥痛無

補法而用辛散或用平補之劑必致不起 一產婦  
吐瀉嘔酸面目浮腫此脾氣虛寒先用六君加炮薑  
爲主佐以越鞠丸而嘔酸愈又用補中益氣加茯苓  
半夏而脾胃康

白朮散 治產後霍亂吐利腹痛煩渴手足逆冷

白朮

橘紅

麥門冬

去心

乾薑

人參

各壹兩

甘草

半兩

爲粗末每服肆錢水壹盞生薑伍片煎去滓溫服  
溫中散 治產後霍亂吐瀉不止

人參

白朮

當歸

草豆蔻仁

乾薑

各壹兩

厚朴

壹兩半製

右為粗末每服叁錢水煎服

附子散 療產後霍亂不止手足逆冷

附子炮

白朮

當歸

吳茱萸洗

桂心

人參

丁香

橘紅

甘艸

各半兩

右為細末每服貳錢粥飲調下不拘時

高良薑散 治產後霍亂吐利腹中疝痛

良薑

當歸

草荳蔻仁

右等分為細末每服貳錢用粥飲調下

右二方非真寒不可用

局方參苓白朮散療產後霍亂吐利身熱帶渴者良

方見雜  
病泄瀉

若吐逆不受湯藥以伏龍肝細末參錢米湯調下卽

受

餘詳雜病霍亂門

嘔吐

大夫胃爲水穀之海水穀之精以爲血氣榮潤臟腑因產則臟腑傷動有時而氣獨盛者則氣乘腸胃腸胃燥澁其氣則逆故嘔逆不下食也

薛前證若因

飲食過時用四君子湯飲食過多用六君子湯飲食過時而兼勞役用補中益氣若因飲食停滯用人參養胃湯脾胃氣虛用六君子湯胃氣虛寒加炮薑木香寒水侮土用益黃散肝水侮脾土用六君升麻柴胡命門火衰不能生土用八味丸嘔吐泄瀉手足俱冷或肚腹作痛乃陽氣虛寒急用附子理中湯多有

生者 一產婦朝吐痰夜發熱晝夜無寐或用清痰  
降火肌體日瘦飲食日少前證愈甚余曰早間吐痰  
脾氣虛也夜間發熱肝血虛也晝夜無寐脾血耗也  
遂用六君子湯加味逍遙散加味歸脾湯以次調理  
而痊

開胃散 治產後胃氣不和嘔吐不止全不納食宜  
服此

訶子肉

壹兩  
半

人參

壹兩

甘草

半兩

右三味爲細末別以半夏半分生薑壹分薤白貳  
柴莖水壹大盞煎至陸分去滓分爲兩服



療產後嘔逆不止 鄧知縣傳

橘紅 壹兩

半夏麴

甘草 各半兩

藿香 叁兩

右為細末每服貳錢水壹瓊半薑叁片煎至陸分

溫服無時

治產後更無他疾但多嘔逆不能食

白米 壹兩貳錢半

生薑 壹兩半

右細切酒水各貳升煎取壹升分叁服

產後嘔逆不已四君子湯加陳皮半夏藿香砂仁

石蓮散 治產後咳逆嘔吐心怔目暈

石蓮子 去殼壹兩半 白茯苓 壹兩

丁香 伍錢

右爲細末米飲調服叁錢無時

內熱嘔吐服前藥不効者以枇杷葉

去毛蜜炙

茅根各伍

錢煎濃湯入蘆根汁半瓊和勻服

吃逆

大夫肺主氣五臟六腑俱稟於氣產後則氣血傷臟腑皆損而風冷搏於氣氣則逆上而又脾虛聚冷胃中伏寒因食熱物冷熱氣相衝擊使氣厥而不順則吃逆也脾者主中焦爲三焦之關五臟之倉廩貯積水穀若陰陽氣虛使榮衛氣厥逆則致生斯病也經云吃噫者胃寒所生服藥無効者灸期門叁壯必愈期門穴乃胃之大絡薛前證屬胃氣虛寒之惡候如用後方未應急投參附湯亦有復生者

參附湯

見前自汗

丁香散 治產後心煩咳噫不止

丁香

白豆蔻仁

各半兩

伏龍肝

壹兩

右爲細末煎桃仁吳茱萸湯調下壹錢如人行五

里再服

石蓮散

見嘔吐

產寶療產後吃逆三日不止欲死方

桂心

半兩

薑汁

叁合

右同煎取貳合以大火灸手摩背熱時塗藥汁盡

妙

治產後吃逆方

用乾柿壹枚切碎以水壹盞煎至

陸分熱呷之

又方 古壁鏡窠叁肆箇水壹小蓋煎至半小蓋熱

服

羌活散

靈苑

治吃逆

羌活

附子

炮

藿香

炒各半兩

木香

白薑

炮各貳錢半

右五味為末每服貳錢水壹盞鹽壹捻煎拾數沸

熱服一服止

補遺治產後吃逆橘皮湯及大小橘皮湯皆効

右諸方當審寒熱虛實用之如寒者宜丁香薑桂

熱者宜乾柿竹茹實者宜香附橘皮虛者宜人參  
甚則附子佐之誤施則有噬臍之悔慎之

咳嗽

大夫肺者主氣因產後血虛肺經一感微邪便成咳嗽或風或熱或寒或濕皆令人咳嗽也若產後喫鹽太早而咳嗽者難治 產後血氣不通咳嗽者何咎曰產後咳嗽多因食熱麪壅滯或熱病或有氣塊發時衝心痛氣急咳嗽四肢寒熱心悶口乾或時煩躁睡夢驚悸氣虛肢體無力宜服局方黑神散五積散加棗煎服 薛產後咳嗽或因陰血耗損或因肺氣虧傷或陰火上炎或風寒所感主治之法若陰血虛者用芎歸熟地參朮肺氣傷者用四君芎歸桔梗陰

火上炎者六味地黃加參朮風寒所感者補中益氣  
加桔梗紫蘇若瘀血入肺發喘急用二味參蘇飲多  
有得生者若兼口鼻起黑或鼻出血急用前飲亦有  
得生者然而所患悉因胃氣不足蓋胃爲五臟之根  
本人身之根蒂胃氣一虛五臟失所百病生焉但患  
者多謂腠理不密所致殊不知肺屬辛金生於己土  
亦因土虛不能生金而腠理不密外邪所感其陰火  
上炎亦壯土金生腎水以制火爲善若逕治其病則  
誤矣 一產婦咳嗽聲重鼻塞流涕此風寒所感用  
參蘇飲一鍾頓愈六七乃與補中益氣加桔梗茯苓



表 表

半夏一劑而痊又與六君加黃芪以實其腠理而安  
一產婦咳嗽痰盛面赤口乾內熱晡熱徹作無時  
此陰火上炎當補脾腎遂用補中益氣湯六味地黃  
丸而愈 一產婦咳而腹滿不食涕唾面腫氣逆此  
病在胃關於肺用異功散而愈

旋復湯

即旋復花湯見喘  
○有汗者去麻黃

知母飲 治產後惡露上攻流入於肺經咳嗽宜服

此藥若傷風痰嗽却以尋常傷風藥主治

一名二  
母散

知母

貝母

白茯苓

人參

各貳錢

桃仁

杏仁

並生去皮  
尖各壹錢

右作一服水貳鍾煎至壹鍾食後服

集驗療產後感風傷寒咳嗽多痰唾粘

甘艸

苦梗

各壹兩半

欵冬花

壹兩

生麥門冬

生地黄

各叁兩

葱白

壹握

豉

貳合

舊方無葱白與豉

右咬咀水貳升煮取捌合去滓食後分兩服

經効療咳嗽多痰唾粘氣急

前胡

五味子

紫苑

貝母

各壹兩半

桑白皮

茯苓

各貳兩

淡竹葉

貳拾片

右咬咀水貳升煎取捌合去滓食後分兩服  
療產後咳嗽氣喘

百部根

苦梗

各陸分

桑白皮

貳拾分

乾百合

赤茯苓

各捌分

右咬咀水貳升煮取柒合去滓食後分兩服

自製噙化丸

見前雜病咳嗽

五

卷三

真

石

喘

婁產後喘極危多死也

郭產後喉中氣急喘促者

何答曰榮者血也衛者氣也榮行脉中衛行脉外相隨上下謂之榮衛因產所下過多榮血暴竭衛氣無主獨聚肺中故令喘也此名孤陽絕陰爲難治若惡露不快敗血停凝上熏於肺亦令喘急但服奪命丹胞衣不下血去喘自定 陳無擇評曰產後喘急固可畏

若是敗血上熏於肺猶可責効奪命丹若感風寒或因憂怒飲食鹹冷等奪命丹未可均濟况孤陽絕陰乎若榮血暴絕宜大料煮芎藭湯亦可救傷風寒宜

旋覆花湯性理鬱發宜小調經散用桑白皮杏仁煎湯調下傷食宜服見睨丸五積散芎藭湯

**[薛]**前證

若脾肺氣虛弱用六君桔梗若兼外邪更加紫蘇若中氣虛寒用補中益氣加炮薑肉桂若陽氣虛脫更加附子若瘀血入肺急用二味參蘇飲 一產婦喘

促自汗手足俱冷常以手護臍腹此陽氣虛脫用參附湯四劑而愈 浦江吳輝妻孕時足腫七月初旬

產後二月洗浴卽氣喘但坐不得卧者五箇月惡風得暖稍寬兩關脉動尺寸皆虛百藥不効用牡丹皮桃仁桂枝茯苓乾薑枳實厚朴桑白皮紫蘇五味瓜

萸仁煎湯服之卽寬二三服得卧其痰如失蓋作汚血感寒治之也

虛氣血竭散 治產後敗血衝心胸滿上喘命在須臾宜

服

真血竭

如無紫礮代

沒藥

右等分研細頻篩再研取盡爲度每服貳錢用童便合好酒半大盞煎一沸溫調下方產下一服上床良久再服其惡血自循經下行更不衝上免生百病

雲岐參蘇飲

治產後血入於肺面黑發喘欲死者

人參壹兩  
為末

蘇木貳兩

右以水兩碗煮取蘇木壹碗以下去查調參末隨

時加減服神効

表

旋覆花湯 治產後傷風寒喘咳嗽痰涎壅盛坐卧

不寧

旋覆花

赤芍藥

荆芥穗

半夏麴

前胡

甘艸炙

茯苓

五味子

杏仁去皮尖  
麩炒

麻黃各等分

一方芍藥茯苓多一倍

右咬咀每服肆錢水壹盞半生薑叁片棗壹枚煎



裏 虛

至柒分去滓食前溫服

有汗者不宜服

若傷鹹冷飲食而喘者宜見睨丸

見前痞悶

五味子湯

治產後喘促脉伏而厥

五味子

杵炒

人參

杏仁

各貳錢

麥門冬

去心

陳皮

各壹錢

右薑叁片棗貳枚水煎服

大補湯

治產後百日外面青浮腫唇白氣急有汗

乃大虛之證急宜服此

當歸頭

大川芎

大白朮

白芍藥

白茯苓

多

人參

多

黃芪

多

五味子

熟地黃

乾薑

上下

甘艸

少

右剉散水煎服此二貼不退卽加川烏木香另磨  
八服 有瀉加訶子肉豆蔻粟殼

鼻衄

郭產後口鼻黑氣起及鼻衄者何答曰陽明者經脈之海起於鼻交頰中還出頰口交人中左之右右之左產後氣虛血散榮衛不理散亂入於諸經却還不得故令口鼻黑氣起及變鼻衄此緣產後虛熱變生此證胃絕肺敗不可治 經驗方云急取緋線壹條并產婦頂心髮兩條緊紮中指節上卽止無藥可治亦禳厭之一端也 薛按胃脈俠口繞承漿蓋鼻準屬脾土鼻孔屬肺金誠胃虛肺損氣脫血死之證急用二味參蘇飲加附子五錢亦有得生者 汪一婦

產後血逆上行鼻衄口乾心躁舌黑蓋因瘀血上升  
遂用益母丸貳九童便化下鼻衄漸止下血漸通

血崩

陳產後血崩者何答曰產卧傷耗經脉未得平復勞役損動致血暴崩淋瀝不止或因酸鹹不節傷蠹榮衛衰弱亦變崩中若小腹滿痛肝經已壞爲難治急服固經丸以止之 陳無擇評曰血崩不是輕病况產後有此是謂重傷恐不止鹹酸不節而能致之多因驚憂恚怒臟氣不平或產後服斷血藥早致惡血不消鬱滿作堅亦成崩中固經丸自難責効不若大料煮芎藭湯加芍藥候定續次隨證諸藥治之爲得薛前證若血滯小腹脹滿用失笑散血少小腹虛

痞芎翦湯肝火血妄行加味逍遙散脾鬱不統血加  
味歸脾湯脾氣虛不攝血補中益氣湯厚味積熱傷  
血清胃散加槐花風熱相搏傷血四君子防風枳殼  
一產婦血崩小腹脹痛用破氣行血之劑其崩如  
湧四肢不收惡寒嘔吐大便頻瀉余用六君加炮黑  
乾薑四劑稍愈又以十全大補三十餘劑而痊一  
產婦血崩因怒其血如湧仆地口噤目斜手足抽搐  
此肝經血耗生風余用六味九料一劑諸證悉退但  
食少晡熱佐以四君柴胡牡丹皮而愈

固經丸

艾葉

赤石脂

煨

補骨脂

炒

木賊

各半  
兩

附子

壹枚  
炮

右爲末陳米飯和丸如梧子大每服貳拾丸食前

溫酒下米飲亦可

芎藭湯加芎藥方

芎藭

當歸

芎藥

各等分

右咬咀每服肆錢水壹盞半煎至柒分去滓熱服

無時

熟乾地黃散治產後崩中頭目旋運神思昏迷四肢

煩亂不知人事

熟乾地黄

伏龍肝

黃芪

赤石脂

各壹兩

阿膠

甘艸

白朮

艾葉

炒

川芎

人參

各半兩

當歸

柒錢半

右以咀每服肆錢水壹盞半薑叁片煎至柒分去

滓溫服

白芍藥散

治產後崩中下血淋瀝不絕黃瘦虛損

白芍藥

牡蠣

乾薑

熟乾地黄

桂心

黃芪

烏賊魚骨

鹿角膠

龍骨

各壹兩



右爲末每服貳錢食前溫酒下

又方

赤石脂

熟地黃

各壹兩

鹿茸

牡蠣

當歸

各半兩

右爲細末食前以粥飲調下貳錢

阿膠丸 治產後崩中下血不止虛羸無力

阿膠

赤石脂

各壹兩半

續斷

川芎

當歸

甘草

丹參

各壹兩

龍骨

鹿茸

酥炙

烏賊魚骨

鼈甲

炙各貳兩共爲細末

右煉蜜丸如梧桐子大空心溫酒下貳參拾丸

女科  
卷五  
五  
芎藭酒

治產後崩中下血不止

芎藭

壹兩半以  
細剉

酒貳盞煮取壹盞去滓分溫三服食前

瑞蓮散

治產後惡血崩漏狀如泉水

瑞蓮

百枚燒  
存性

棕櫚

燒存  
性

當歸

桂心

各壹  
兩

鯉魚鱗

燒

川芎

各柒  
錢半

檳榔

貳枚

右為細末每服叁錢煨薑酒調下如未止更進一服或非時血崩無藥可治但進三服即止

補遺治產後血崩

香附子

炒赤  
貳兩

蓮蓬殼

伍枚燒  
存性

右為末米飲調下貳錢

產後血崩素有熱者奇効四物湯良

方見  
血崩

月水不調

大產後月水不調者由產傷動血氣虛損未復而風邪冷熱之氣客於經絡乍冷乍熱冷則血結熱則血消故令血或多或少或在月前或在月後故名不調也 薛前證若過期而作痛者氣血俱虛也八珍加柴胡丹皮不及期而來血熱也四物山梔柴胡將來而作痛者血實也四物加桃仁紅花過期而來者血虛也四物加參朮紫黑成塊者血熱也四物加炒梔炒連丹皮作痛而色淡者痰多也四物合二陳治當臨證制宜 一產婦月經不調內熱燥渴服寒涼之

劑血更如崩腹脹寒熱作嘔少食用六君子二十餘劑諸病悉愈以加味逍遙散調理而安

琥珀散 治產後經脉不調四肢煩疼飲食全少日

漸羸瘦

琥珀

牛膝

生乾地黃

當歸 各壹兩

桃仁

赤芍藥 各半兩

右為粗末每服叁錢水壹盞薑叁片煎至陸分去滓服

薑黃丸 治產後虛乏不足胸心短氣腹內緊急腰

背疼痛月水不調食少煩渴四肢無力

薑黃

當歸

熟地黃

牡丹皮

厚朴

製表

桂心

川芎

續斷

桃仁

白朮

各壹兩

赤芍藥

木香

各柒錢半

羚羊角屑

貳錢半

右為細末煉蜜丸如梧子大每服叁拾丸食前溫

酒下

卷三

三

票

石經堂

月水不通

〔大〕夫產傷動於血氣其後虛損未復而爲風冷所傷血之爲性得冷則凝結故風冷傷於經血結於胞絡之間故令月水不通也凡血結月水不通則成血痕水血相併復遇脾胃衰弱肌肉虛者則爲水腫也

婦人衝任之脉爲經絡之海皆起於胞內而手太陽小腸之經手少陰心之經此二經上爲乳汁下爲月水若產後月水不通者蓋新產之後勞傷氣血或去血過多乳汁通行自是不通若乳子歲半或一歲之內而月經不行此是常候卽非病也何必通之諺云

妳假是也若半歲而行者或四五箇月便經行者皆是少壯血盛之人注受極易產乳必衆其子失乳必四肢尪羸肚大青筋頭大髮焦好啖泥土病名無辜若經血有餘者不可以藥止之若產後一二歲月經不通而無疾苦何必服藥或勞傷氣血衝任脉虛氣血衰少而不能行者但服健脾胃資氣血之藥自然通行若用牛膝紅花蘇木乾漆蟲蟲水蛭等藥以通之則爲害滋大經水枯竭則無以滋養其能行乎初虞世所謂譬猶索萬金於乞丐之手雖捶楚並下而不可得也後之學者更宜詳審而察之

薛前證脾



胃虛弱用六君子湯若兼鬱火傷脾用歸脾湯加丹  
皮山梔若怒火傷血宜用四物合小柴胡氣血俱虛  
用八珍牡丹皮仍參前論主之 一產婦月經年餘  
不通內熱晡熱服分氣丸經行不止惡寒作渴食少  
倦怠胸滿氣壅朝用加味逍遙散夕用四君子湯月  
許諸證稍愈佐以八珍湯兼服兩月而愈  
以上三證宜於調經門中參看通用



瀉利

郭產後腹痛及瀉利者何答曰產後腸胃虛怯寒邪易侵若未滿月飲冷當風乘虛襲留於育膜散於腹脇故腹痛作陣或如錐刀所刺流入大腸水穀不化洞泄腸鳴或下赤白胕脇填脹或痛走不定急服調中湯立愈若醫者以爲積滯取之禍不旋踵謹之謹之陳無擇評曰產後下痢非止一證當隨所因而調之旣云飲冷當風何所不至寒熱風濕本屬外因喜怒憂思還從內性况勞逸飢飽皆能致病若其洞泄可服調中湯赤白滯下非此能愈各隨門類別有

正方 薛產後瀉利或因飲食傷損脾土或脾土虛不能消食當審而治之若米食所傷用六君加穀蘖若麩食所傷用六君加麥蘖若肉食所傷用六君加山查神麩凡兼嘔吐皆加藿香若兼噯酸或嘔吐用前藥送越鞠丸若肝木來侮脾土用六君加柴胡炮薑若寒水反來侮土用錢氏益黃散若久瀉或元氣下陷兼補中益氣湯以升發陽氣若瀉利色黃乃脾土真氣宜加木香肉果若脾土虛寒當用六君子加木香薑桂若脾腎虛寒用補中益氣及四神丸若屬命門火衰而脾土虛寒用八味丸以補土母若小便

滯滯肢體漸腫或兼喘咳用金匱腎氣丸以補脾腎  
利水道若胃氣虛弱而四肢浮腫治須補胃爲主若  
久而不愈或非飲食所傷而致乃屬腎氣虧損蓋胞  
胎主於任而繫於腎况九月十月乃腎與膀胱所養  
必用四神六味八味三藥以補腎若用分利導水之  
劑是虛其虛也 一產婦瀉痢發熱作渴吐痰甚多  
肌體消瘦飲食少思或胸膈痞滿或小腹脹墜年餘  
矣余以爲脾胃瀉朝用二神丸夕用六君子三月餘  
而痊 一婦產後泄瀉兼嘔吐噁酸面目浮腫此脾  
氣虛寒先用六君加炮薑爲主佐以越鞠丸而噁酸

愈又用補中益氣加茯苓半夏而脾胃康 一產婦  
瀉利年餘形體骨立內熱晡熱自汗盜汗口舌糜爛  
日吐痰三碗許脉洪大重按全無此命門火衰脾土  
虛寒而假熱吐痰者乃脾虛不能統攝歸源也用八  
味丸補火以生土用補中益氣湯兼補肺金而脾胃  
健 一產婦腹痛後重去痢無度形體倦怠飲食不  
進與死爲鄰此脾腎俱虛用四神丸十全大補湯而  
愈但飲食難化肢體倦怠用補中益氣湯而康 一  
婦人五月患痢日夜無度小腹墜痛發熱惡寒用六  
君子湯送香連丸二服漸愈仍以前湯送四神丸四

服全愈至七月終怠情嗜卧四肢不收體重節痛口  
舌乾燥飲食無味大便不實小便頻數洒淅惡寒悽  
慘不樂此肺之脾胃俱虛而陽氣寒不伸也用升陽  
益胃湯而痊 汪石山治一婦產後滑泄勺水粒米  
弗容時卽泄下如此半月餘衆皆危之或用五苓散  
平胃散病益甚汪診之脉皆濡緩而弱曰此產中勞  
力以傷其胃也若用湯藥愈滋胃濕非所宜也令以  
參苓白朮散除砂仁加陳皮肉豆蔻煎薑棗湯調服  
旬餘而安

**丹**治產後泄瀉惡露不行此餘血滲入大腸爲瀉洞

泄不禁下青白黑色用荆芥大者肆伍穗於盞內燒  
灰不得犯油火入麝香研湯三呷調下此藥雖微能

治大病方名的奇散

產後泄方

茯苓

川芎

黃芩

白朮

乾薑

滑石

陳皮

芍藥炒各

右水煎服之

調中湯

高良薑

當歸

桂心



芍藥

附子炮

川芎壹兩

甘艸半兩

右爲粗末每服叁錢七水叁盞煎至壹盞去滓熱服

右方惟寒中洞泄者宜之其腸胃有熱者當服黃連而愈如金九香連九之類若戊己丸固腸丸四神丸五味子丸之類皆產後大便不實必用之藥已詳載雜病及前泄瀉門中茲不贅引

女科

卷五

五

石經堂

赤白痢

大產後痢疾者由產勞傷臟腑不足日月未滿虛乏未復或勞動太早或誤食生冷若行起太早則外傷風冷乘虛入於腸胃若誤食生冷難化之物傷於脾胃皆令洞泄水瀉甚者變爲痢也若血滲入大腸則爲血痢難治世謂之產子痢也得冷則白或如魚腦得熱則赤黃或爲驟血若冷熱相搏則下痢赤白或膿血相雜若下痢青色則極冷也若飲食不進便利無常日夜無度產後本虛更加久痢不止無力瘦乏愈見羸弱謂之虛羸下痢又有產後氣宇不順而下

痢赤白謂之氣痢治之之法熱則涼之冷則溫之冷熱相搏則調之滑者澁之虛羸者補之水穀不分者當利小便若產婦性情熱著不能寬解須當順其氣未有不安者也

薛前證白屬氣分而赤屬血分也其論詳見瀉利 一產婦食雞子腹中作痛面色青

黃服平胃二陳更下痢腹脹用流氣飲子又小腹一塊不時上攻飲食愈少此脾胃虛寒肝木尅侮所致用補中益氣加木香吳茱萸漸愈又用八珍大補兼服調理尋愈 一婦產後痢未至月滿因食冷物及酒冷熱與血攻擊滯下純血纏墜極痛其脉大無力口

乾用黃芩芍藥湯三服而安

熊治產後赤白痢證用四君子湯加黃芪粟殼神効  
雲救急散 治產後赤白痢腹中絞痛

芍藥

阿膠

艾葉

熟地黃

各壹兩

甘草

當歸

各叁兩

右咬咀水煎分二服空心飲

大當歸芍藥散治妊娠腹中絞痛心下急痛及療產  
後血暈崩中久痢 方見血崩

療妊娠血痢用阿膠貳兩以酒壹升半煮壹升頓服  
產後諸痢煮薤白食之 又方羊腎脂炒薤白空心

食之甚佳

經治產後胎前痢疾敗龜甲壹枚米醋炙研為末醋

湯調下

丹溪云龜甲大補陰治勞倦

丹婦人患墮胎後膈滿食少痢不止脉虛左手尤甚

滑石

白芍藥炒

蒼朮各伍錢

白朮

貳錢伍分

訶子貳錢煨

乾薑肆錢

茯苓

壹錢

右為細末調下保和丸肆伍拾粒

雲產後血痢臍腹疼痛四物湯加槐花黃連御米殼

等藥

黃連丸 治產後赤白痢腹中攪痛不可忍

黃連 肆兩

阿膠

蒲黃

梔子仁 各壹兩

當歸 貳兩半

黃芩

黃蘗 各貳兩

右為末煉蜜丸如桐子大每服陸柒拾丸米飲吞

下日三夜一

仲產後下痢虛極白頭翁加甘艸阿膠湯主之 脈經作熱

痢重下新產虛極者

白頭翁

阿膠 各貳兩

黃連

黃蘗

秦皮 各叁兩

甘草 貳兩

右以水柒升煮取貳升半納膠令消盡溫分三服  
婦人臨產痢疾山梔不拘多少燒灰爲細末空心溫  
熟水調下壹錢甚者不過五服

產後血痢小便不通臍腹疼痛用生馬齒莧搗汁二  
大合煎壹沸下蜜壹合調頓服

滑  
梅治產後血泄不禁餘血作痛兼塊桂心乾薑等分  
爲末空心酒調服方寸匕

大療產後痢日五十行者取木裏蛀虫糞屑炒黃急  
以水沃之令稠稀得所服之卽瘥

聖治產後諸痢方取蒼耳葉搗汁半盞日三四溫服



渴產後下痢作渴者水穀之精化爲血氣津液以養臟腑臟腑虛燥故痢而渴若引飲則難止反溢水氣脾胃既虛不能尅水水自流溢浸漬皮膚則令人腫但止其渴痢則自瘥薛前證若渴而不喜冷飲屬胃氣虛不能生津液宜用七味白朮散夜間發熱口渴屬腎水弱而不能潤宜用六味丸並佐以益氣湯以滋化源一產婦瀉痢發熱作渴吐痰肌體消瘦飲食少思或胸膈痞悶或小腹脹墜年餘矣余以爲脾腎之瀉朝用二神丸夕用六君子三月餘而痊一產婦患前證形體倦怠飲食不進與死爲鄰此脾

胃俱虛也用四神九十全大補湯而愈

必効療產後痢而渴飲無度數

麥門冬參兩

烏梅

貳拾箇細剉水壹升煮取柒合細呷

經効療產後久痢津液涸渴不止

龍骨拾貳分

厚朴

茯苓

黃芪

麥門冬

人參各捌分

生薑陸分

大棗拾肆箇

並細剉

右以水壹大升煮取柒合空心分兩服

療產後痢日久津虛枯竭四肢浮腫口乾舌燥

古今錄驗

冬瓜壹枚

黃泥糊厚伍寸煨爛熟去皮絞汁服之瘥

補遺人參白朮散治產後痢津液竭渴不止

方見胎前霍亂

大便秘澀

郭產後大便秘澀者何答曰產臥水血俱下腸胃虛竭津液不足是以大便秘澀不通也若過五六日腹中悶脹者此乃燥屎在臟腑以其乾澁未能出耳宜服麻仁丸以津潤之若誤以爲有熱投之寒藥則陽消陰長變證百出性命危矣薛產後大便不通因去血過多大腸乾涸或血虛火燥乾涸不可計其日期飲食數多用藥通之潤之必待腹滿覺脹自欲去而不能者乃結在直腸宜用豬膽汁潤之若服苦參藥潤通反傷中焦元氣或愈加難通或通而瀉不能

止必成敗證若屬血虛火燥用加味道遙散氣血俱  
虛八珍湯慎不可用麻子杏仁枳殼之類 一產婦  
大便不通七日矣飲食如常腹中如故余曰飲食所  
入雖倍常數腹不滿脹用八珍加桃仁杏仁至二十  
一日腹滿欲去用豬膽汁潤之先去乾糞五七塊後  
皆常糞而安 一產婦大便八日不通用通利之藥  
中脘作痛飲食甚少或云通則不痛痛則不通乃用  
蜜導之大便不禁吃逆不食余曰此脾腎復傷用六  
君加吳茱肉果骨脂五味數劑喜其年壯而愈不然  
多致不起 一產婦大便秘結小腹脹痛用大黃等

藥致吐瀉不食腹痛胸痞余用六君子加木香炮薑  
治之而愈 一婦人大便秘澁諸藥不應苦不可言  
令飲人乳而愈

麻仁丸

麻仁

研如泥

枳殼

人參

各壹兩

大黃

半兩

右爲末煉蜜丸如梧桐子大空心溫酒下貳拾丸  
未通漸加丸數不可太過

評曰產後不得利利者百無一生去血過多臟燥  
大便秘澁則固當滑之大黃似難輕用唯蔥涎調

臘茶爲丸復以臘茶下之必通

子常用局方四物湯以生地黄易熟

地黃加青皮去白煎服甚効

本事婦人產後有三種疾鬱胃則多汗汗多則大便  
秘故難於用藥惟麻子蘇子粥最爲穩當用紫蘇子  
大麻子二味各半合洗淨研極細用水再研取汁壹  
盞分二次煮粥啜下此粥不唯產後可服大抵老人  
諸虛風秘皆宜服之嘗有一人母年八十四忽爾腹  
痛頭疼惡心不食召醫數十議皆用補脾進食治風  
清利頭目等藥數日雖愈全不入食其家憂惶余辨  
說前藥皆誤矣此證正是老人風秘臟腑壅滯聚於

胸中則腹脹惡心不思飲食又上至於顛則頭痛神不清也若臟腑流暢諸疾悉去矣予令作此粥兩啜而氣泄先下結糞如胡椒者十餘枚後漸得通利不用藥而自愈矣

〔丹〕產後秘結不通膨滿者氣急坐卧俱難用大麥蘖炒黃爲末酒下壹合神効

出兵部  
手集

[Faint, illegible text in columns]



大小便不通

大產後大小便不通者腸胃本挾於熱因產血水俱下津液燥竭腸胃痞澁熱氣結於腸胃故令大小便不通也

薛嘗治一產婦大小便不通諸藥不應將危矣令飲牛乳一日稍通三日而痊人乳尤善

桃花散 治膀胱氣滯血澁大小便秘

桃仁

葵子

滑石

檳榔

各等分

右爲細末每服貳錢空心蔥白湯調下

療產後大小便不利下血

車前子

黃芩

蒲黃

牡蠣

生地黄

芍藥

各壹兩  
伍錢

右爲細末空心米飲服方寸匕忌麪蒜

通氣散治產後大小便不通亦可用封臍法

見前雜  
證大便

不通

心治婦人產後忽小腹脹如蠱大小便不通氣海三里關元三陰交陰谷主之

遺尿

大產後遺尿若脾腎虛弱用還少丹仍以補中益氣湯爲主虛寒加肉豆蔻補骨脂或四神丸若脾腎虛寒用八味丸兼四神丸仍佐以前二方

按產後遺尿乃腎氣不固宜五味子丸主之

雜病泄瀉

一產婦大便不實飲食少思或侵晨遺尿此中氣虛寒脾腎不足用補中益氣送四神丸而痊 一產婦小便出糞名大小腸交乃氣血俱虛失行常道先用六君子湯二劑又用五苓散二劑而痊尋常腸交亦可用

廣濟療產後遺糞方

取故燕窠中草燒為末以酒調下半盞亦治男子

集驗方 療產後遺糞亦治男子

礬石 枯

牡蠣 煨各等分

右為末酒服方寸匕日三服

補遺療產後遺糞不知出時方

白斂 芍藥 各等分 酒服方寸匕

為末

補遺治產後遺糞不知覺可服固腸丸

方見前雜症泄瀉條

華佗云病人卧遺尿不覺者死

淋閣

大產後諸淋因產有熱氣客於脬中內虛則起數熱則小便澀痛故謂之淋 又有因產損氣虛則挾熱熱則搏於血卽流滲於胞中故血隨小便出而爲血淋淋者淋瀝之謂也 三因論曰治諸產前後淋秘其法不同產前當安胎產後當去血如其冷熱膏石氣淋等爲治則一但量其虛實而用之瞿麥蒲黃最是產後要藥唯當尋究其所因則不失機要矣 薛按前證若膀胱虛熱用六味丸若陰虛而陽無以化用滋陰腎氣丸蓋土生金金生水當滋化源也 一

產婦小水淋瀝或時自出用分利降火之劑二年不  
愈余以爲肺腎之氣虛用補中益氣湯六味地黃丸  
而痊

茅根湯 治產後諸淋無問冷熱膏石氣結悉主之

白茅根 捌兩

瞿麥穗

白茯苓 各肆兩

葵子

人參 各貳兩

蒲黃

桃膠

滑石

甘艸 各壹兩

紫貝 拾枚煨

石首魚頭中石 貳拾枚燒

右剉散每服肆大錢水壹盞半薑叁片燈心貳拾  
莖煎至柒分去滓溫服亦可爲末木通煎湯調下

貳錢如氣壅閉木通橋皮煎湯調下

滑石散干金療產後淋

滑石壹兩貳錢半研通草車前子

葵子各壹兩

右為末以漿水調服方寸匕至貳七為妙

張不愚療產後小便不通淋閉方

陳皮壹兩去白為末空心溫酒調下貳錢一服便通

療卒不得小便方

杏仁拾肆枚去皮尖右炒為末和飲頓服通

療產後淋小便痛及血淋

白茅根

伍兩

瞿麥

車前子

各貳兩

鯉魚齒

壹百枚  
爲末

通草

叁兩

冬葵子

貳合

右水貳升煮取壹升入魚齒末空心服

治產後小便不通腹脹如鼓悶亂不醒蓋緣未產之前內積冷氣遂致產時尿胞運動不順用鹽於產臍中填可與臍平却用葱白剝去粗皮拾餘根作一縛切作一指厚安鹽上用大艾炷滿葱餅子大小以火灸之覺熱氣直入腹內卽時便通神驗不可具述

乳集

出產



小便數

大夫產後小便數者乃氣虛不能制故也

薛前證

若因穩婆不慎以致胞損而小便淋瀝者用八珍湯以補氣血若因膀胱氣虛而小便頻數當補脾肺若膀胱陰虛而小便淋瀝須補肺腎 一產婦小便頻數時復寒戰乃屬脾肺虛弱用補中益氣湯加山茱山藥爲主佐以桑螵蛸散而愈後患發熱晡熱盜汗自汗月水不調用加味逍遙散而安 一產婦患前證吐痰發熱日晡作渴此膀胱陰虛用補中益氣湯以六味丸而愈又患痢後小便頻數手足俱冷屬陽

氣虛寒用前湯及八味丸而瘳

桑螵蛸散

千金

治產後小便數及遺尿

桑螵蛸

叁拾枚煨

鹿茸

酥炙

黃芪

各叁兩

牡蠣

煨

人參

厚朴

赤石脂

各貳兩

右為末空心粥飲調下貳錢

外臺無厚朴石脂有甘草生薑

括蔞湯

集驗

療產後小便數兼渴

桑螵蛸

甘草

並炙黃連

生薑

各貳兩

括蔞根

叁兩

人參

叁兩

大棗

伍拾枚

右細切用水柒升煮貳升半分三服忌豬肉冷水

補遺療產後小便數或遺尿

益智仁

為末

米飲調服

小便不禁

陳婦人產蓐產理不順致傷膀胱遺尿無時

丹嘗

見收生者不謹損破產婦尿管致病淋瀝遂成廢疾  
一日有徐婦年壯難產得此因思肌肉破傷在外者  
宜可補完胞雖在腹恐亦可治遂診其脈虛甚予曰  
難產之由多是氣虛產後血氣尤虛試與峻補因以  
參芪爲君芍歸爲臣桃仁陳皮黃芪茯苓爲佐煎以  
豬羊胞中湯極饑時飲之但劑小率用壹兩至一月  
而安蓋令氣血驟長其胞自完恐稍緩亦難成功矣  
喬町婦人產後尿不禁面微浮畧發熱于午後此膈

眈為坐婆所傷

黃芪

歸身尾

芍藥

各壹錢半

白朮

壹錢

人參

陳皮

各伍分

甘草

炙少許

右水煎熱服之

**薛**前證若脾肺陽虛用補中益氣湯若肝腎陰虛用

六味地黃丸若肝腎之氣虛寒用八味地黃丸 一

產婦小便不禁二年不愈面色或青赤或黃白此肝

脾氣虛血熱用加味逍遙散為主漸愈佐以六味地

黃丸而痊後因怒小便自遺大便不實左目頓緊面

色頓赤仍用前散佐以六君子湯以清肝火生肝血

培脾土而痊

廣濟療產後小便不禁 雞尾毛燒存性調酒下壹

七日三服

千金治產後遺尿不知出

白薇

芍藥

各等分

爲末酒服方寸匕日叁

又方

桑螵蛸

半兩炒

龍骨

壹兩

右爲末食前粥飲調下貳錢

固脬散治婦人臨產時傷手脬破小便不禁

黃絲絹

自然黃者染黃者不用叁尺以炭灰汁煮極爛以清水洗去灰令淨入黃蠟半

兩窰壹兩白茅根貳錢馬屁勃末貳錢

右用水貳升再煎至壹盞空心頓服服時飲氣服之不得作聲如作聲無効

補遺補脬飲

治產後傷動脬破終日不小便但淋

濕不乾

生絲絹

黃色者壹尺

白牡丹根皮木

白芨

各壹錢

用水壹碗煎至絹爛如餲服之勿作聲作聲無効

雞內金散

治產後溺床失禁

以雞胫脰壹具并腸洗燒爲末酒調服方寸匕

小便出血

大產後小便出血者因血氣虛而熱乘之血得熱則流散滲於胞內故血隨小便出 **薛**一產婦尿血面黃脇脹少食此肝木乘脾土也用加味道遙補中益氣兼服而愈後爲懷抱不樂食少體倦驚悸無寐血仍作用加味歸脾湯二十餘劑將愈惑於衆論服犀角地黃湯諸證復作仍服前湯而愈

治小便利血方

亂髮

湯洗垢膩淨

右燒研爲末米飲調服方寸七

又方 用滑石研髮灰等分每服壹錢地黃汁調下

崔氏方 療產後血滲入大小腸

蜜壹大合 車前艸搗汁壹升

右相和煎沸分兩服

補遺方治產後小便出血

川牛膝去蘆水煎服

又方

生地黃汁半升生薑自然汁半合

右相和服之



大便下血

薛產後便血或飲食起居或六淫七情以致元氣虧損陽絡外傷治法若因膏粱積熱用加味清胃散若因淳酒濕毒葛花解醒湯若因怒動肝火六君加芍藥柴胡芎歸若因鬱結傷脾加味歸脾湯若因思慮傷心妙香散若因大腸風熱四物加側柏荆防枳殼槐花若因大腸血熱四物加芩連若因腸胃虛弱六君加升麻柴胡若因腸胃虛寒六君加肉蔻木香若因元氣下陷補中益氣加茯苓半夏若因氣虛用六君升麻若因血虛用四物氣血俱虛用八珍俱加柴

胡升麻大凡病久或元氣虛弱見病百端皆因脾胃  
虧損內真寒而外假熱但用六君子或補中益氣加  
炮薑溫補脾氣諸證悉退若四肢畏冷屬陽氣虛寒  
急加附子病因多端當臨證制宜庶無誤矣 一產  
婦糞後下血諸藥不應飲食少思肢體倦怠此中氣  
虛弱用補中益氣加吳茱炒黃連五分四劑頓止但  
怔忡少寐盜汗未止用歸脾湯治之而痊 一婦人  
但怒便血寒熱口苦或胸脇脹痛或小腹痞悶此木  
乘土用六君加山梔柴胡而愈又用補中益氣加味  
逍遙二藥而不復作 一婦人久下血在糞前屬脾

胃虛寒元氣下陷用補中益氣湯加連炒吳茱一錢  
數劑稍緩乃加生吳茱五分數劑而愈 一婦人產  
後便血口乾飲湯胸脇膨滿小腹悶墜內熱晡熱飲  
食不甘體倦面黃日晡則赤洒淅惡寒此脾肺氣虛  
先用六君加炮薑木香諸證漸愈用補中益氣將愈  
用歸脾湯全愈後飲食失節勞役兼怒氣發熱血崩  
夜間熱甚譫語不絕此熱入血室用加味小柴胡二  
劑而熱退用補中益氣而血止用逍遙散歸脾湯調  
理而康

女科

卷五

墓

石經堂

陰脫產門不閉

三因婦人趣產勞力努嚆太過致陰下脫若脫肛狀及陰下挺出逼迫腫痛舉重房勞皆能發作清水續續小便淋露

硫黃散 治產後勞傷陰脫

硫黃

烏賊魚骨

各半兩

五味子

貳錢半

右爲末摻患處

桃仁膏 治產後陰腫妨悶

桃仁

去皮尖

枯礬

五倍子

各等分

右以下二味爲末研桃仁爲膏拌勻傅之

硫黃湯 治產勞玉門開而不閉

硫黃 肆兩

吳茱萸

兔絲子 各壹兩半

蛇床子 兩

右每服肆錢水壹碗煎數沸濾滓洗玉門日再洗

熨法

单炒蛇床子乘熱布裏熨患處亦治產後陰痛

當歸散 治陰下脫

當歸

黃芩 各貳兩

芍藥 壹兩錢半

蝟皮 燒存性半兩

牡蠣 煨貳兩半

為末每服貳錢溫酒米湯任意調下忌登高舉重

丹溪一婦人三十餘歲生女二日後產戶一物如手  
帕下有帕尖約重壹斤予思之此因胎前勞乏傷氣  
成肝痿所致却喜血不甚虛其時歲暮天寒慙冷乾  
壞了急與炙黃芪半錢人參壹錢白朮伍分當歸壹  
錢半升麻五分三貼連服之卽收上得汗通身乃安  
但下齋沾席處乾者落一片約五六兩重蓋脂膜也  
食進得眠診其脉皆濇左畧弦視其形却實與白朮  
芍藥各錢半陳皮壹錢生薑壹片煎二三貼以養之  
一婦人產子後陰戶中下一物如合鉢狀有二岐  
其夫來求治予思之此子宮也必氣血弱而下墜遂

用升麻當歸黃芪大料二貼與之半日後其夫復來  
曰服二次後覺響一聲視之已收陰戶訖但因經宿  
乾着席上破一片如掌心大在席某妻在家哭泣恐  
傷破不可復生子思之此非腸胃乃脂膏也肌肉破  
尙可復完若氣血充盛必可生滿遂用四物湯加人  
參與一百貼三年後復有子 治子宮下用黃芪壹  
錢半人參壹錢當歸柒分升麻叁分甘草貳分作一  
貼水壹鍾煎至伍分去滓食前服却用五倍子末泡  
湯洗又用末傅之如此數次宜多服藥永不下

薛玉門不閉氣血虛弱也用十全大補湯腫脹焮痛



肝經虛熱也加味逍遙散若因憂怒肝脾氣血傷也加味歸脾湯若因暴怒肝火血傷也龍膽瀉肝湯

一產婦玉門不閉發熱惡寒用十全大補加五味子數劑而寒熱退用補中益氣加五味子數劑而玉門閉一婦人脾胃素弱兼有肝火產後玉門腫痛寒熱作渴嘔吐不食外敷大黃等藥內用驅利之劑腫及於醫諸證蜂起此真氣虛而邪氣盛也先用六君子以固腸胃次用補中益氣以升陽氣不數劑而全愈一產婦患此失治腫潰不已形體消瘦飲食少思朝寒暮熱自汗盜汗半年矣用補中益氣湯加茯

苓半夏膿水漸少飲食漸進又用歸脾湯共五十餘劑而愈 一產婦玉門不閉小便淋瀝腹內一塊攻走脇下或脹或痛用加味道遙散加車前子而愈 一婦人子宮腫大二日方入損落一片殊類豬肝面黃體倦飲食無味內熱晡熱自汗盜汗用十全大補湯二十餘劑諸證悉愈仍復生育

外治

治產後陰腫下脫內出玉門不閉

石灰

壹升炒極熱

湯

貳升投灰中適溫冷澄清坐水中以浸玉門斯須平復如故 又方以鐵精粉上推內之 又灸臍下橫紋伍柒壯

一法用鐵精羊脂二味攪令稠布裏炙熱熨推內之

鐵精是鍛鐵爐中飛出如塵紫色而輕虛可以瑩磨器血者

子母療產後陰下脫燒兔頭末傅之

補遺治產後生腸不收 用枳殼煎湯浸良久卽入

又方五倍子白礬煎湯浸亦良 又方酸篤草俗

名老鷓酸煎湯用草坐不開孔纔薰收一半稍溫

下手洗並收入而安

又方子宮脫出以溫水洗軟却用雄鼠糞燒烟熏入

又法草麻子拾肆粒去殼搗爛塗頂心如入卽洗

去

針灸

東婦人胞胎門落頰不收常濕

神關

玉泉

伍拾壯

身交

臍下指縫中灸伍拾壯參報

又法

玉泉傍開三寸

隨灸

年壯參報

女人陰門冷腫

飯來

參拾壯

甲婦人陰挺出四肢淫灤身悶少海主之

一作照海

陰中肉線一婦產後水道中出肉線壹條長三四尺動之則痛欲絕先服失笑散數次以帶皮薑叁斤研爛入清油貳斤煎油乾為度用絹兜起肉線屈曲于水道邊以前薑熏之冷則熨之一日夜縮其大半二日即盡入再服失笑散芎歸湯調理之如肉線斷則不可治矣

陰蝕

〔大〕凡婦人少陰脉數而滑者陰中必生瘡名曰蠹瘡或痛或痒如虫行狀淋露膿汁陰蝕幾盡者此皆由心神煩鬱胃氣虛弱致氣血留滯故經云諸痛痒瘡皆屬於心又云陽明主肌肉痛痒皆屬於心治之當補心養胃外以薰洗坐導藥治之乃可〔薛〕前證乃肝脾鬱結之證木旺生虫耳宜解鬱清肝備見前雜證陰中生瘡類 一產婦素有肝火患此內潰痒痛食少熱渴小水淋瀝用加味逍遙散加味歸脾湯兼服間以蘆薈丸外以鶴虱草煎洗而愈

千金方

蒲黃

叁升

水銀

壹兩

二味研勻以粉上

又方

肥豬肉拾斤水壹碩煮水浸冷卽易不過三

兩度

洗搨湯方

甘草

乾漆

各壹兩

黃芩

乾地黄

當歸

芍藥

各貳兩

龜甲

伍兩

右細切以水柒升煮耗一半以綿帛內湯中以搨  
瘡處良久卽易日二度每搨湯可人行十里許卽  
裏乾捻取甘濕散薄傅瘡上使徧可經半日又以

湯搗搗訖如前傳藥 余家婢遇此疾醫療不差  
蝕處作兩瘡深半寸余因檢得此方仍以自處蚌  
蛇膽散不經七日瘡乃平復甚効凡治數十人應  
手而瘥請廣布之

甘濕散

又名蚶  
蛇膽散

療疔蟲陰蝕

蚶蛇膽 真者

青木香

石硫黃

鐵精

麝香

各肆分臨時分之多少入  
緣麝香辟蛇毒若先以相

和蛇膽卽無力也舊  
用五月五日蝦蟇

右陸味各等分爲末更細研有患取如三棊子和  
井花水日再服訖先令便利了卽以後方桃枝熏

下部訖然後取藥如碁子安竹管裏吹入下部中亦用再度老少量減其熏法每日壹度不用再爲之良

療疳蟲蝕下部及五臟方 取桃東南枝叁柴枚輕搥頭使散以綿纏之又搗石硫黃爲末將此綿纏桃枝撚轉之令末少厚又截壹短竹筒先內下部中以所撚藥桃枝熟燃熏之

文仲療陰蝕欲盡者方 以蝦蟇兔屎等分爲末傅之良

狼牙湯

古今錄驗

療婦人陰蝕其中爛傷膿水淋漓臭



穢

狼牙 叁兩

右以咀以水肆升煮取半升去滓內苦酒如雞子  
中黃大沸湯壹盃消盡夜適寒溫以綿纏筋頭大  
如繭濡湯以瀝瘡中日四五度卽瘥

補遺治產後陰戶生瘡

青黛

黃丹

水粉

五倍子

等分  
爲末

用賣肉鋪主拭肉巾燒爲末和前藥先以荆芥薄  
荷柏葉煎湯洗淨後摻藥如瘡乾可用油調末塗

之

又方 平胃散加貫衆末每貳錢熟煮豬肝拌藥內  
陰戶中

乳少

大凡婦人乳汁或行或不行者皆由氣血虛弱經絡不調所致也乳汁勿令投於地蟲蟻食之令乳無汁若乳盈溢可滌東壁上佳或有產後必有乳若乳雖脹而產後譽作者此年少之人初經產乳有風熱耳須服清利之藥則乳行若累經產而無乳者亡津液故也須服滋溢之藥以動之若雖有乳却又不甚多者須服通經之藥以助之仍以羹臠引之蓋婦人之乳資於衝脉與胃經通故也有屢經產而乳汁常多者亦婦人血氣不衰使然也大抵婦人素有疾在衝

任經者乳汁少而其色帶黃所生之子怯弱而多疾  
〔三因〕產婦有二種乳脉不行有氣血盛而壅閉不  
行者有血少氣弱澁而不行者虛當補之盛當疎之  
盛者當用通草漏蘆土瓜根輩虛者當用煉成鍾乳  
粉豬蹄鮑魚之屬概可見矣  
〔薛〕前證若氣血虛弱  
而不能化生宜壯脾胃怒動肝膽而乳腫汁出宜清  
肝火夫乳汁乃氣血所化在上爲乳在下爲經若屢  
產無乳或大便澁滯當滋化源

疎者  
之

漏蘆散

療乳婦氣脉壅塞乳汁不行及經絡凝滯

妳乳脹痛留蓄邪毒或作癰腫此藥服之自然內

消乳汁通行

漏蘆 貳兩半

蛇蛻 拾條

瓜萸 拾枚急火燒焦存性

右爲末溫酒調下貳錢無時候服藥後卽以豬蹄羹投之經驗方有牡蠣燒存性 一方只用牡蠣

煨末酒調

又方

葵菜子 炒香 縮砂仁 各等分

右爲細末每服貳錢熱酒調下滋益氣脉榮衛行津液上蔡張不愚方常用極有驗

產寶療產後乳無汁方

木瓜根

漏蘆 各叁兩

甘艸 貳兩

通艸 肆兩

右水捌升煎取貳升分溫叁服忌如常法 一方  
加桂心並爲末酒服方寸七

產書下乳汁

土瓜根爲末酒調服壹錢日三四服

下乳汁以京三稜叁箇水貳碗煎取壹碗洗取汁下  
爲度極妙

湧泉散 成都教授單驤方療產乳無汁亦治乳結

癰腫

穿山甲 洗淨壹兩 灰炒燥

為細末酒調服方寸七

必用方云漏蘆括萆皆要藥或云多食豬蹄羹

括

萆取子淨洗炒令香熟搥破取仁瓦上攤漚令白

色研為細末溫酒調下壹錢服了合面臥少時未

効再作一方瓜萆壹枚熟擣以白酒壹斗煮取肆

升去滓溫飲壹升日叁

虛者 補之

成煉鍾乳散

療乳婦氣少血衰脉澁不行乳汁絕

少

成煉鍾乳粉

研細

濃煎漏蘆湯調下貳錢

靈苑下乳汁立効方

粳米

糯米

各半合

萵苣子

壹合並淘淨

生甘草

半兩

用水貳升煎汁壹升去滓分叁服立下

又方

豬蹄

壹隻

通草

肆兩

水壹斗煮作羹食之妙

薛一產婦因乳少服藥通之致乳房腫脹發熱作渴  
余謂血氣虛以玉露散補之而愈

玉露散 治乳脉不行身體壯熱疼痛頭目昏痛大

便澁滯等證

川芎

桔梗

白芷

各貳錢

芍藥

當歸

各壹錢半

人參



白茯苓

甘艸 各壹錢

右作一服水貳鍾煎至壹鍾食後服如頭熱甚大便秘者加大黃叁錢

羅氏湧泉散 治婦人乳汁因氣絕少

瞿麥穗

麥門冬 去心 龍骨

穿山甲 炮黃

王不留行 各等分

右爲細末每服壹錢熱酒調下後吃豬蹄羹少許  
又用木梳於左右乳上各梳叁貳拾梳日三服依前法

又方治妳汁少

瓜蒌根

薄荷榦身

等分

右爲粗末先喫羊蹄汁壹碗次服藥後再喫葱絲  
羊羹湯少許立効

有人乳汁不行已十七日諸藥無効遇有人送赤豆  
一斗遂時常煮粥食之當夜乳脉通行

又方 麥門冬不拘多少去心焙爲末以酒磨犀角  
約壹錢許煖犀角酒調門冬末貳錢服之不過兩  
服乳汁便下

乳汁自出

大產後乳汁自出蓋是身虛所致宜服補藥以止之

若乳多蘊滿急痛者溫帛熨之產寶有是論却無方以治之若有此證但以漏蘆散亦可 有未產前乳汁自出者謂之乳泣生子多不育經書未嘗論及

**薛**前證氣血俱虛用十全大補湯肝經血熱用加味

逍遙散肝經怒火用四物參朮柴梔肝脾鬱怒用加

味歸脾湯 一產婦勞役忽乳汁如涌昏昧吐痰此

陽氣虛而厥也灌以獨參湯而甦更以十全大補湯

數劑而安若婦人氣血方盛乳房作脹或無兒飲脹

痛增寒發熱用麥芽二三兩炒熟水煎服立消其耗

散血氣如此何脾胃虛弱飲食不消方中多用之

漏蘆散

見前

吹妳

大產後吹妳者因兒吃妳之次兒忽自睡呼氣不通乳不時洩蓄積在內遂成腫硬壅閉乳道津液不通傷結疼痛亦有不痒不痛腫硬如石名曰吹妳若不急治腫甚成癰產後吹妳最宜急治不爾結癰逮至死者速服阜角散括萸散傅以天南星散以手揉之則散矣

薛前證用藥切不可損其氣血餘詳外科

乳癰條

括萸散方

乳香 壹錢研

括蕞實 壹个

研勻溫酒煎服

天南星散

南星

爲末

溫湯調以鷲翎蘸塗患處

阜角散

歌曰

婦人吹妳治如何阜角燒灰蛤粉和熱酒壹杯調  
捌字須臾揉散笑呵呵

治妳結硬疼痛

百藥煎爲細末每服叁錢酒壹盞煎數沸熱服

乳硬作痛

嫩桑葉生研以米飲調攤紙花貼腫處

補遺治產後吹妳結實腫痛

用陳皮

壹兩

甘艸

壹錢

水貳椀煎至壹椀分兩服

次用荆芥羌活獨活煎湯熏洗卽散

妬乳

夫妬乳者由新產後兒未能飲之及乳不洩或乳脹  
捏其汁不盡皆令乳汁蓄結與血氣相搏卽壯熱大  
渴引飲牢強掣痛手不得近是也初覺便知以手拈  
捏去汁更令傍人助吮引之不爾或作瘡有膿其熱  
勢盛必成癰也 輕則爲吹乳妬乳重則爲癰雖有  
專門不可不知

連翹湯 治產後妬乳并癰

連翹

升麻

芒硝

元參

芍藥

白斂

防風

射干

大黃

杏仁

甘草

各壹錢

右作一服水貳鍾煎至壹鍾食後服

療產後婦乳初結脹不消令敗乳自退方

瓜蒌

壹个半  
生半炒

大粉草

壹寸半  
生半炙

生薑

壹塊半  
生半煨

右同剉用酒壹椀煮取壹盞去滓服之其痛一會

不可忍卽搜去敗乳臨卧再一服順所患處乳側

卧於床上令其藥行故也

療產後吹乳作癰

葵莖及子

右搗篩爲散酒服方寸匕卽愈

又方 雞屎乾爲末酒服方寸匕須臾三服愈

又方 皂角拾條以酒壹升揉取汁消石半兩煎成膏傅之

療乳腫將次結成癰方 右以馬溺塗之立愈

補遺療產後吹妳妬妳但未結成癰或成癰未作有膿者

蔓荊子搗爛酒服仍以滓敷患處

又方用赤小豆酒研爛溫酒服滓封患處



乳頭生瘡搔之  
水出

又方仙人掌艸壹握小酒糟壹塊生薑壹大塊同研爛入桂末少許炒酒服留滓罨患處

集驗論曰凡婦人女子乳頭生小淺熱瘡搔之黃汁出浸淫爲長百種療不差者動經年月名爲妬乳病婦人飲兒者乳皆欲斷世謂苟抄乳是也宜以赤龍皮湯及天麻湯洗之傅二物飛烏膏及飛烏散佳始作者可傅以黃芩漏蘆散黃連胡粉散並佳

赤龍皮湯

槲皮叁升切

右以水壹斗煮伍升夏冷用秋冬

溫之分以洗乳

天麻湯

天麻草

伍升切

右以水壹斗半煎取壹斗隨寒

溫分洗乳以殺痒也此草葉如麻葉冬生夏着花赤如鼠尾花亦以洗浸淫黃爛熱瘡痒疽濕陰蝕瘡小兒頭瘡洗畢傅膏散

飛鳥膏散方

用燒朱砂作水銀上黑烟

各維粉者叁兩熬令焦燥

礬石

叁兩燒粉

右二味以絹篩細以甲煎和之令如脂以傅乳瘡

日三作者不須和有汁自着可用散亦傅諸熱瘡

黃爛浸淫汁瘡蜜瘡丈夫陰蝕痒濕諸小兒頭瘡

疔蝕口浸淫瘡蝸瘡等並以此傅之

又黃連胡粉膏散方

黃連 貳兩

胡粉 貳兩半

水銀 壹兩同研  
令消散

右叁味搗黃連爲末叁物相和皮裏熟投之自和合也縱不成一家且得水銀細散入粉中以傅乳瘡諸濕痒黃爛肥瘡若着甲煎爲膏千金同

補遺婦人乳頭小淺瘡爛痒以芙蓉花或葉乾爲末摻之又有婦人乳頭裂痛取秋後冷落茄子花裂開者陰乾燒存性水調塗之

女科證治準繩卷之五終